

Broj UP1-06-13-1-9-02/20

Mostar, 09.03.2020. godine

Na osnovu člana 17., člana 22. stav (1), stav (3) i stav (5) i člana 23. stav (1) tačka d) Zakona o naftnim derivatima u Federaciji Bosne i Hercegovine („Službene novine Federacije BiH“ broj 52/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1) i člana 32. stav (4) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 10. stav (2), člana 36. stav (1) tačka d), stav (4) i stav (7), te člana 37. Pravilnika o izdavanju dozvola za rad (licenci) za obavljanje energetskih djelatnosti iz sektora naftne privrede („Službene novine Federacije BiH“ broj 15/16) i člana 12a. Pravilnika o metodologiji i načinu obračuna regulatornih naknada za imaoce dozvola – Prečišćeni tekst („Službene novine Federacije BiH“ broj 94/19), postupajući po Zahtjevu za oduzimanje dozvole za rad (licence) broj UP1-06-13-1-9/20 od 10.02.2020. godine, podnosioca zahtjeva ERDAL d.o.o., ul. Tešanjaska br. 24a, Sarajevo, zastupanog po zakonskom zastupniku Anti Knezoviću, u postupku trajnog oduzimanja Dozvole za rad (licence) za trgovinu na veliko naftnim derivatima osim LPG-om broj 06-03-515/88/16, Regulatorna komisija za energiju u Federaciji Bosne i Hercegovine – FERK je 09.03.2020. godine na V redovnoj sjednici donijela sljedeće

RJEŠENJE

1. Imaocu dozvole ERDAL d.o.o., trajno se oduzima Dozvola za rad (licenca) za trgovinu na veliko naftnim derivatima osim LPG-om broj 06-03-515/88/16, izdata Rješenjem broj 06-03-515-02/88/16 od 15.06.2016. godine, te izmijenjena i dopunjena Rješenjem broj 06-03-32-06/7/18 od 02.02.2018. godine.
2. Regulatorna naknada, koju je imalac dozvole obavezan platiti za četvrtu godinu važenja dozvole za rad (licence), utvrđena u tačkama 4. i 5. Rješenja broj 06-03-32-06/7/18 od 02.02.2018. godine, obračunata je za period važenja dozvole za rad (licence), te ista iznosi 3.479,45 KM.
3. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.
4. Stupanjem na snagu ovog rješenja prestaje važiti Rješenje broj 06-03-515-02/88/16 od 15.06.2016. godine kojim je izdata Dozvola za rad (licenca) za trgovinu na veliko naftnim derivatima osim LPG-om broj 06-03-515/88/16, te Rješenje broj 06-03-32-06/7/18 od 02.02.2018. godine kojim je ista izmijenjena i dopunjena.

Obrazloženje

Dana 10.02.2020. godine FERK je od podnosioca ERDAL d.o.o. pod brojem UP-1-06-13-1-9/20 primio Zahtjev za oduzimanje dozvole za rad (licence), u postupku oduzimanja Dozvole za

rad (licence) za trgovinu na veliko naftnim derivatima osim LPG-om broj 06-03-515/88/16, radi neobavljanja odobrene energetske djelatnosti.

Članom 22. stav (1) Zakona o naftnim derivatima u Federaciji Bosne i Hercegovine propisano je da se licenca prije isteka njene važenja može oduzeti privremeno ili trajno, dok je stavom (3) navedenog člana propisano da se postupak za oduzimanje licence obavlja na isti način kao i postupak za davanje licence.

Takođe, članom 36. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede propisani su razlozi oduzimanja dozvole za rad (licence), pa je stavom (1) tačka d) ovog člana propisano da će FERK istu oduzeti ukoliko imalac dozvole ne obavlja odobrenu energetske djelatnost, o čemu je bio dužan obavijestiti FERK. Članom 37. stav (1) ovog pravilnika propisano je da se postupak obnove, izmjene i dopune i oduzimanja (privremenog i trajnog) dozvole za rad (licence) vodi na isti način kao i postupak izdavanja dozvole za rad (licence), dok je stavom (2) istog člana propisano da ukoliko su u zahtjevu za pokretanje postupaka iz stava (1) ovoga člana navedene činjenice ili podneseni dokazi na osnovu kojih se može utvrditi stanje stvari ili ako se to stanje može utvrditi na osnovu opštepoznatih činjenica ili na osnovu službenih podataka kojima FERK raspolaže, ovi postupci se mogu provesti i na način da se donese odluka bez pozivanja zainteresovanih lica na davanje pisanih komentara na nacrt dozvole kroz proces javne rasprave.

Postupajući po odredbi člana 9. Pravilnika o javnim raspravama i rješavanju zahtjeva, sporova i žalbi, primljeni zahtjev je pregledan u skladu sa članom 12. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, te je utvrđeno da je isti zahtjev potpun.

Na osnovu naprijed navedenih odredbi, a imajući u vidu da imalac dozvole ne obavlja odobrenu energetske djelatnost, FERK je Rješenjem broj UP1-06-13-1-9-01/20 od 24.02.2020. godine izvršio privremeno oduzimanje Dozvole za rad (licence) za trgovinu na veliko naftnim derivatima osim LPG-om broj 06-03-515/88/16 imaoocu dozvole ERDAL d.o.o., obzirom da su bili ispunjeni svi propisani uslovi za privremeno oduzimanje dozvole za rad (licence).

U predmetnom rješenju je naloženo imaoocu dozvole ERDAL d.o.o., da do 03.03.2020. FERK-u dostavi obavještenje ukoliko namjerava nastaviti sa obavljanjem energetske djelatnosti, a u suprotnom FERK će donijeti rješenje kojim se trajno oduzima dozvola za rad (licenca).

Imalac dozvole nije dostavio obavještenje o namjeri daljeg obavljanja energetske djelatnosti u roku utvrđenom u Rješenju broj UP1-06-13-1-9-01/20 od 24.02.2020. godine o privremenom oduzimanju Dozvole za rad (licence) za trgovinu na veliko naftnim derivatima osim LPG-om broj 06-03-515/88/16.

Članom 22. stav (5) Zakona o naftnim derivatima u Federaciji Bosne i Hercegovine propisano je da se postupak trajnog oduzimanja licence provodi ako energetski subjekt ne otkloni nedostatak u roku određenom aktom o privremenom oduzimanju licence ili ne otkloni nedostatke u radu u roku određenom rješenjem nadležnog inspektora.

Imajući u vidu činjenicu da se imalac dozvole nije izjasnio da namjerava nastaviti obavljanje energetske djelatnosti, zbog čega mu je privremeno oduzeta dozvola za rad (licenca), FERK je odlučio izvršiti trajno oduzimanje Dozvole za rad (licence) za trgovinu na veliko naftnim derivatima osim LPG-om broj 06-03-515/88/16, imaoocu dozvole ERDAL d.o.o., obzirom da su ispunjeni svi propisani uslovi za trajno oduzimanje dozvole za rad (licence).

Obzirom da je članom 12a. Pravilnika o metodologiji i načinu obračuna regulatornih naknada za imaoce dozvola – Prečišćeni tekst propisano da se imaoocima dozvole iz sektora naftne

privrede, kojima se vrši oduzimanje dozvole, iznos regulatorne naknade preračunava pojedinačnim rješenjem u skladu sa periodom važenja dozvole u tekućoj godini, regulatorna naknada za četvrtu godinu važenja Dozvole za rad (licence) je preračunata za period važenja dozvole za rad (licence) u tekućoj godini, te ista iznosi 3.479,45 KM. Obzirom da je imalac dozvole dana 25.01.2019. godine izvršio uplatu regulatorne naknade za četvrtu godinu važenja Dozvole za rad (licence) u iznosu od 5.000,00 KM, prema Obavještenju broj 19-361-000046 od 03.01.2019. godine, istom će se izvršiti povrat više uplaćene regulatorne naknade u iznosu od 1.520,55 KM, o čemu će se imaću dozvole ispostaviti posebno obavještenje.

Na osnovu obrade Zahtjeva za oduzimanje dozvole za rad (licence) podnosioca ERDAL d.o.o. i dokumentacije priložene uz zahtjev, FERK je u skladu sa članom 36. stav (1) tačka d) i članom 37. stav (2) Pravilnika o izdavanju dozvola za rad (licenci) za obavljanje energetskih djelatnosti iz sektora naftne privrede, odlučio kao u dispozitivu ovog rješenja.

POUKA O PRAVNOM LIJEKU:

Protiv ovog rješenja ERDAL d.o.o. može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primanja rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNIK FERK-a

Mile Srdanović

Dostaviti:

- ERDAL d.o.o. (poštom preporučeno uz dostavnicu)
- Federalnom ministarstvu energije, rudarstva i industrije (poštom preporučeno uz dostavnicu)
- Federalno ministarstvo trgovine (poštom preporučeno uz dostavnicu)
- Federalna uprava za inspekcijske poslove (poštom preporučeno uz dostavnicu)
- Sektoru za tehničke poslove i licence